



Tir Yimiyim

www.tiryimiyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimiyim@gmail.com

TAPAK 8

Yangia anidakangma :

f Tir Yimiyim

tiryimiyim@aolima

tir yimiyim

TAPAK 3



Madagascar tir tepsettsü
tasa yangluba raksatsü

Manipur Congress party in-charge
Das aser lenirtem ajurutep



VOL. XVIII NO. 279 (ADOK 279) DIMAPUR

ROGONÜ (FRIDAY)

CHITENI (JULY) 23, 2021

₹ 5.00

Lamhainamdi lendong atema SIT ajanga ken o benok



Lamhainamdi yimtsüing nung March 22, 2021 nü lendong atalokba dak sendakba nung tai tonglokja alir nisung tenet puogo aser ken o benoka lir. Par tenet ya 1st Row (abelen nungi achichi) (1) Kisheto Zhimomi, (2) Munwang Konyak, (3) Tongkhalhao Sitlhou, 2nd Row (abelen nungi achichi) (4) Vikheshe Achumi, (5) Yepeka Kiba, (6) Lentilen Hangsing, 3rd

Yepeka Kiba (NSCN IM), Lentilen Hangsing (NSCN U) aser Thilixu nungi Livingson Awomi alitsü.

Iba ken o dak sendakba nung tamale temolung meleni nisung pezü pua bail agütsü, parnok ken o nungi salaogo.

Lamhainamdi yimtsüing nung May 22, 2021 nü injang khashishia nisung asem tepsetba dak sendakba nung State Crime Police Station (SCPS) ajanga sections 302/120B/188/34 IPC R/W 25 1B/27 (3) Arms Act kübok Sou motto case ka benoka liasü.

Iba sülen ken o ya bushisüingdangtsü atema senior police officer ka tekolakba sür Special Investigation Team ka tenteta liasü.

Parnoki bushisüingdangba mapang, tai tonglokja alir nisung 19 ya Lamhainamdi yimtsüing nung mapa tamajung inyaktü sentong yanglua, renema aser nisung asem tepsetba nung shilem agia liasü, ta ngutet.

SIT ajanga Vihuto yimtsüing nungi kilometer 2-3 pilar arem nung khen atema yangluba camp semdanga yangji temolung melemtetsüa kuli kar ngutet, kong tai tonglokja alirtem anisüingzük aser mapa tamajung inyaktü atema renemshia liasü.

SIT ajanga bushisüingdangba mapang tai tonglokja alirtem prangbong amer iba arem nung amungdang tangokba noksa, video, technical kulitem ngutet, aser injang amala osettsüset kulitem mapa tamajung inyakba tesem nungi nguteta liasü.

Iba ken o nung densema alir nisung kar mejangjai aliba jangjatetogo aser iba ken o maneni bushisüingdangba mapang lir, ta sangdong ajanga ashi.

Dimapur, Chiteni/July 22 (TYO):

Lamhainamdi yimtsüing nung March 22, 2021 nü injang khashishia nisung asem tepsetba dak sendakba nung Special Investigation Team ajanga telok balala nungi tai tonglokja aliba nisung 19 anema ken o ka July 22, 2021 nü benokogo.

Superintendent of Police (Crime)&PRO, PHQ, Nagaland, Kohima nungi sangdong ka ajanga ashiba agi, U/S 302/120B/436/34 IPC r/w 25 (1A/25(1B) (a)/27(3) Arms Act aser 7/8 NSR kübok ken o ya benok. Tai tonglokja alir nisung 19 nungi nisung tenet tashi SIT ajanga pua tang Judicial Custody nung lir, aser tanungba nisung 12 ya aputsü bushiba mapang lir, ta sangdong ajanga ashi.

Pua alir nisung tenet ya, Kisheto Zhimomi (Head GB, Vihuto Village), Munwang Konyak (NSCN IM), Athibung nungi Tongkhalhao Sitlhou, Thilixu nungi Vikheshe Achumi,

Civil Secretariat nung vaccination camp alitsü

Dimapur, Chiteni/July 22 (TYO):

NIC, Chief Security Officer (CSO), NCCD, SBI, BSNL aser Post Office densema Nagaland Civil Secretariat Complex, Kohima nung department ajak indang Administrative Heads aser Heads of Departments ajak dang Nagaland Civil Secretariat Complex, Kohima nung officer aser staff tem atema July 27 nungi 29 tashi COVID-19 (1st Dose) atema Special Vaccination Camp ka ayongzüksü, ta Principal Secretary, Home, Abhijit Sinha ajanga sangdong ka nung metetdaksü.

Pai ashiba agi, Vaccination Camp ya Nagaland Civil Secretariat Complex, Kohima nung aliba VIP Waiting Lobby nung amenoktsü aser mozü agütsüba maparen ya anogoshi anepdang 10:00 ako nung tenzüksü.

AHoDs aser HoDs temi pei department/office nung inyakba officer aser staff tem dang Aadhaar Card/ Driving License/ PAN card/ Passport/ NPR Smart Card/ Voter ID Card (EPIC) photo copy mashi ka bener arua iba maongka agia mozü agitsü metetdakang, ta sangdong ajangasa ashi.

COVID-19 Nagaland: Tashidak menar meyririjang 27 ajangogo

Kohima, Chiteni/July 22 (TYO): Tanü nisung 81 dak tashidak putetba sülen Nagaland nung COVID-18 tashidak menar 27,000 adenogo.

"Tanü tashidak puteter 81 rongnung Kohima nungi 37, Dimapur 18, Mokokchung 9, Peren 8, Phek & Wokha 3, Kiphire 2 aser Mon nungi 1 densema lir," ta State Nodal Officer for Integrated Disease Surveillance Project, Dr Nyanthung Kikon-i metetdaksü.

Paisa tashidak agi tonger alir 60 taneptsü nguogo ta ashi. Tanü taneptsü anurtem rongnung Kohima nungi 19, Zunheboto 11, Wokha 9, Dimapur 7, Longleng & Mon 4, Mokokchung 3, Phek 2 aser Tuensang nungi 1 liasü.

Ajak senteper tang tashi nung Covid tashidak menar 27,024 jungogo aser kasa mapang nung nisung 24,494 taneptsü nguogo. State nung tang recovery rate 90.63 lir.

Nagaland nung tang nisung 1,237 tashidak menar temang anepaludar. Shirangertem rongnung nisung 212 dak tashidak keta aliba temaitsü terara sayudar, nisung 34 temang kanga mejungra masü saka oxygen agidar aser nisung 19 temang kanga mejungi küma oxygen agidar. Maneni nisung 7 ICU nung ventilator medeni temang anepaludar aser nisung 9 ventilator teyari agidar. Tashidak menar alir 956 dak tashidak keta aliba temaitsü kecha mesayur, ta pai ashi.

Maneni Dimapur nung shiranger ka asüba sülen state nung covid tashidak agi asür 536 jungogo aser asürtem rongnung nisung 14 bo tanga tashidak keta aliba ajanga asü, ta paisa metetdaksü.

COVID-19 tashidak menar alir 757 tanga state-i anirogo, ta Kikon-i ashi.

Tang tashi nung Nagaland nung COVID-19 samples 2,51,281 tendangogo, kong RT-PCR nung

tashidak tendangba 1,01,261. TrueNat nung 65,955 aser Rapid Antigen Test ajanga sample 84,065 tendangba densema lir, ta Dr Kikon-i ashi.

Kasa mapang nung State Immunization Officer Dr Ritu Thurr-i ashiba agi, Bodhbarnü tashi nung nisung 5,80,612 nem COVID-19 vaccine dose 7,10,189 agütsüogo.

State nung vaccine agirtem rongnung frontline workers 60,610, healthcare professionals 15,938, arishi küm 45 tempur 1,77,526 aser arishi küm 18 aser 44 tsungda alir 3,26,538 densema lir, ta pai ashi.

Ajak senteper beneficiaries 1,29,577 nem vaccine dose anaprongla agütsüogo. Vaccine dose anaprongla agir alirtem rongnung frontline workers 36,571, healthcare workers 11,974, arishi küm 45 tempur 80,798 aser arishi küm 18 aser 44 tsungda alir 234 densema lir, ta Dr Thurr-isa metetdaksü.

Artsü dak sentakba nung Rising People's Party-i Tsürangkong semdang

Mokokchung, July 22 (TYO): Tawa tentetba Rising People's Party (RPP), President, Joel Naga-i anir par külem party tenzükern parnok 10-i Assam-Nagaland artsü tebilemstü dak sentakba nung Tsürangkong Naga Youth Front aser Northern Sumi Hoho aser lokti balala nungi lenirtem den Chungtiayimsen yimdak telungiem mensem tajung ka kaogo, ta July 22 nü RPP lenirtemi Hotel Whispering Winds Mokokchung nung osangbener senden ka nung jembidang metetdaksü.

Iba telungiem mensemji tajangzük akaba ka liasü, kechiyong yangji alirtemi ajuruba timtem aser tebilemstü balala parnok lemsatapa liasü, ta RPP President, Joel Naga-i ashi. Artsü nung alirtemi timtem ajuruba nungji onoka adener, ta paisa shisem. Political party kati Tsürangkong nübur ola angadangtsü arubaji ngua yangji alirtem kanga pelatapa liasü, ta pai ashi.

Tang Tsürangkong nung artsü tebilemstü adokba ya Ao kin kisüing khuret masü aser koba tesem nungsa artsü tebilemstü aser keno adoker, itemji artsü nung alirtem kisüing khuret

masü, saka ibai "Naga nung arak tebilemstü lir", ta paisa ashi.

Tanü tsürangkong nung Assam-Nagaland artsü tebilemstü tulu liaka aser Assam sorkari artsü anasa tim masüba mapatem inyakaka, Nagaland sorkari tanü tashi item mapatemji maitsür aser tang yabo Nagaland CM-i iba tesem ya semdang alitsüba, saka tesasatsüka artsü atema kecha meinyaker, itemji ngua kanga süngmanger, ta pai ashi.

Tsürangkong nüburtemi artsülen timtem jenti ajuruaka Nagaland sorkari kecha hau ta maliba tetezü parnokji nübur den mali saka sen dang arishiba yimsüsürtem lir ta sayur, ibai kanga tia maka, ta paisa shisem.

Tsürangkong nung alir nüburtemi joko kümli mekai tejashi tulu nung aliba onoki repringteter, anungji, state sorkari tim mera magi nungbo asüing yanü kechi analoktsüar ashitsü makok aser tensa tia tamajungba oa azütokshi nungbo state sorkar khuret asütsü, ta paisa ashi.

Assam-Nagaland Interim Agreement 1972 koba yanglua lir, ibaji ajanga timtem balala ajurur, anungji,

ibaji state sorkari mezüingbuba agiintsüla aser tanabuba nung; foothill road-ji tekaratiba nung yanglutsüla, ta paisa RPP-i Nagaland sorkar dang akangba kar lemsatap.

Nagaland sorkari artsü nung nüburtemi tebilemstü aser timtem ajurudang parnok opposition-less govt. yanglutsüba nung dang temulung agütsür, state sorkari tang tashi nung artsü atema kechi inyaka ali? ta paisa asüingdanga liasü. Tang tashi nung political party kati Tsürangkong nung artsü tebilemstü dak sentakba nung nüburtemi ajuruba mali, ta paisa shisem.

Parnokisa RPP indang kar lemsatapdang, iba party ya alima yanglushitsü asoshi lanurtem nem maongka agütsütsü tentetba lir. Iba party yagi tashiyim, azütokshiba aser sen tashi mamshitsü. Mokokchung district ya kanga dang tongtibang district ka lir, anungji, RPP candidate yoktsü, anungji, nüburtemi nungita yaridaktsünür, ta RPP lenirtemisa mepishia ashi. Taküm küm tatemlen tashi nung district ajak nung party maparen tenzükba aotsü par sentong lir.

Pegasus ya BJP sorkari ozüing alema inyakba mapa ka lir: Therie

Dimapur, Chiteni/July 22 (TYO):

Rahul Gandhi aser par office staff tem densema linik nung tongtipang nisungtem indang cell phone tem ozüing alema hack asüba ya taoksatsüka lir. Parliament atema 2019 General Election agiba mapanga cell phone tem hack asütsü atema spyware "Pegasus" ya amshi ta osangtem lir, ta NPCC tir K. Therie ajanga sangdong ka nung ashi.

Pegasus ya NSO ajanga mezüingyong sangdongba sentong ka lir, kong par product ajunga ya kiralongraba aser danga mapa tamajung azüoktsü atema sorkar

dang ayoker.

Ajisüka BJP sorkari iba hadir ya kanga meshidaki amshia nisung ka temeden raksaja pa jurila data nung kongshitet aser par mobile phone tem ya angaba oset ka ama kumdaktsü, ta Therie-i ashi.

Bendanger meyong spyware amshia India indang Security Forces, obendanger, Cabinet Minister, Opposition lenir, osangbener aser danga activist inyaksangshi itdangiterba ya Ato Kilonser Modi mapa lir, aser iba ya ajanga linik ashioksür aser tatok magütsütsü National Security nung amushir, ta ashi.

India indang Constitution wazüka meyutetba atema Union Home Minister, Amit Shah ya tangsa mapa nungi anentsütsüla, koba pai wazüka ayutsü nangzükba lir.

Iba ama mapa inyakba ya ajanga BJP sorkar shisa makaba sayur, aser ibayongji dangar indang shisa miima agitsü meranger. Ajidang masü iba ya ajanga BJP kisüing yimsü asütsü merangba temai adoktsür. Tesüiba election tem nunga parnok EVM ashikülak mapa inyakba nung shilem agia aru. Aser BJP takok anguba indang miim mapa tang tejangjaba nung temai adoker, ta K. Therie ajangasa ashi.

Covid-19 tashidak nokdangtsü atema senso shia teinyaktsü asem :



Tangar alidak teti teni
tebang nembanga mask
temerük agiang;



Tangar den tsüktepa
tenokdak aser temen;



Teti sapon agi
teka metsükang.



Advisor Mhathung-i Noklak nung District Horticulture Office semzüksüo



Advisor, Horticulture & Border Affairs, Mhathung Yanthan-i July 22 nü Noklak nung District Horticulture Office semzüksüba sentong nung jembiba noksa nung angur.

Dimapur, Chiteni/July 22 (TYO): Advisor, Horticulture & Border Affairs, Mhathung Yanthan-i July 22 nü Noklak nung District Horticulture Office semzüksüo.

Office semzüksüba sentong nung o jembiba mapang pai, district nung terenlok ajangshidar ta ashiba den district balaka kümetba atema Noklak nung aliba nürtem nem tenüngsang agütsü. Advisor-isa, Noklak nung District Horticulture Office tasen lapokba ajanga district nung aliba nürtem department ajanga ajangzüksü imlaba lemsatep. Aluyimertemi aluyimba yimya tasen angazüksü asoshi maongka angutsü ta shia pai department nungi tajangzük agütsü atema aluyimertem ayongzüküa liasü.

Sorkar tenzükerterem ajungshia

Yanthan-i parnok dang tsüngsü tajung toktsütsü atema mapa kong lemkükdir lemkükaka pei mapa bendanga agüja inyaksü ayongzük. Paisa, nürburtem teka amteper inyaksü aser nongita yaritsü mepeshia metetdaksü.

Sentong nungsa Advisor, Fisheries & Aquatic Resources, Evaluation, Economic & Statistics, L. Khumo Khamniungan-i, Office amenokba sülen alemli nungi aluyima aruba inyakyim tali tajungba akümtsü aser iba tesem nung tanü asüng aluyimba yimya benoka inyakyonga aotsü ta ashi. Advisor Khumo-i, District Horticulture office amenoktsüba atema Chief Minister, Neiphu Rio lenisüba kübok state sorkar aser Advisor, Horticulture & Border Affairs, Mhathung Yanthan dang kanga pelaba

lemsatep. Paisa, Commissioner & Secretary, Horticulture, Director Horticulture, District Horticulture Officer aser Noklak nung District Horticulture Office amenokba nung sendaka alir ajaka dang kanga pelaba lemsatep.

Maneni office lapokba sentong nung Commissioner & Secretary Horticulture Anenla T. Sato, IAS; Deputy Commissioner Noklak Reny Wilfred, IAS; SP Noklak, Pritpal Kaur IPS; Khamniungan Tribal Council tir, M.Thangou aser PS to Prison, Printing & Stationery, Chumukam nungeri o tatsütsü jembia liasü.

District Horticulture Officer, Noklak, Tiakaba Longchar lenisüba nung iba sentong agi aser pai lokti pelaa agizükba o jemi. Director of Horticulture & Mission Director (MIDH) Dr. R. Elithung Lotha-i okila jemi aser Horticulture Extension Assistant Avungthung Nguillie-i tepela anküp o jebmia liasü. Office tasenba ya meshiteta Youth Longdon Baptist Church, Noklak Town, Pastor Luzu-i sarasadema liasü.

Sentong nung Additional Secretary, Tribal Affairs & Cabinet Cell Nchumbemo Shitri, Departmental ketdangsurtem aser lokti tentet balala nungi lenirtemi shilemagi.

SANGDONGER

Kohima Ongpangkong Telongjem (KOT) ajanga N.I. Jamir Academic Excellence Award agütsütsü asoshi asen Aotsür / Aoer HSLC, 2021 tatitang nung temaba jenjang Top-20 nung takok ngua alirtemi KOT General Secretary WhatsApp No. 7085683739 nung bio-data tejangja agüja tekaratiba nung tongtepratep asütsü mepishir.

Sd/-
President,
Kohima Ongpangkong Telongjem.

TNYF-i DAB tag agütsü akhang

Dimapur, Chiteni/July 22 (TYO): Tzurangkong Naga Youth Front (TNYF)-i sangdong ka ajanga Nagaland sorkar dang, Assam den arrtsü nung Nagaland kübok aliba tesemtem nem DAB tag agütsür aliba agütsü atema Union of India aser Assam sorkar den inyaktepsü khangogo.

DAB tag agütsüba ajanga Assam nem maongka talila agütsür aser iba ajanga item tesemtem nung alirtem kanga tim atemer. TNYF-isa, mangatetep balala adoktsü aliba nungi jenbotsü atema state sorkar dang, Nagaland litsü nung amenoker

aliba Armed Assam police camp tem ajak takaratiba nung agütsü khangogo.

Maneni TNYF-isa, Minister aser Nagaland BJP tir Temjen Imna Along den 30th Alongtaki A/C BJP lenirtem aser Rising People's Party (RPP) lenirtemi Tzurangkong semdanga Tzurangkong aser Northern Sumi tesem nung alirtem parnoki pusemba temaitsü sayuba atema kanga pelaba metetdaksür, ta tir Bendangwati aser General Secretary Shiluyongdang nati külem sangdong ka ajanga metetdaksü.

Nagaland Victim Compensation Scheme kübok sen 67,26,000 agütsüo



Counsellor Childline, Dimapur-i, Dimapur DLSA mendenbuba, Y Longkumer ket nungi tang Prodigals Home, Dimapur nung anepalua aliba tanur asem tenüng nung victim compensation taa agizükogo.

Kohima, Chiteni/July 22 (TYO): The Nagaland State Legal Services Authority (NSLSA)-i Nagaland Victim Compensation Scheme (NVCS), 2012 kübok 2020 küm atema ken o 29 asoshi sen 67,26,000 agütsüo. Iba sen ya District Legal Services Authorities-i July ita nungi lendong balala agi kongshir aliba kibongtem mesera temetaloker nem lemtsü tenzüko.

Iba scheme ya lendong balala nung taküm samaba mesera yirur alir kinungertem mesera yirurtem shirnok rehabilitation nungdaka lir parnok nem teyari agütsütsü atema tenzü.

Ken o 29 rongnungi ken o 9 tashiyim agi raksatsüba (rape), nisung 11 taküm samaba, nisung 7 sexual assault asüba aser züka merenshiba densema lir. Application ajak senteper 15 bo tanur (minors) liasü. Senotsü teyari ya lendong ajururtem mesera parnok kinungertem nem agütsür.

Applicant temi Legal Services Authority of the state nem, FIR, medical report aser obendang

agütsüba copy mesera ken o benteter lira recommendation inoker application agütsütettsü.

Iba dak sendakba nung application trokbo okadak ajanga recommend asü; ken o 18 claimants/victim temi benok aser ken o 5 police, administration, lokti tentet balalai benoka liasü.

Ken o kanga junga asadanga sülen, aibelenba jenjang, libaliro raksaba, nisung asüba ken o süra asür arishi küm, ita sen, temedaloker kwi, lendong ya khen dang atalokba asü aiben atalokba, item ajak asadanger teyari agütsür.

Application agizükba ajak asadangogo. Teyari agütsürtem ya Kohima district nungi 8, Dimapur nungi 6, Mokokchung nungi 5, Mon nungi 5 aser Zunheboto; Tuensang aser Phek District nungi kaka liasü.

Temetettsükaji Victim Compensation atema budget ka mejeta lemkükja mali. NSLSA aser DLSA tem nungi application agizükba dak ajemdaker Relief and Rehabilitation, Home Department-i teletmetba agir.

Chanakya IAS Academy atema scholarship agütsütsü

Kohima, Chiteni/July 22 (TYO): Civil services nung North-Eastern State tem nungi lanurtemi tajungtiba nung shilem agütsü aser ajungmesotsü nükjidong nung Chanakya IAS Academy ajanga online/offline scholarship test July 25 nü agütsü. Chanakya IAS Academy ya linük nung civil services coaching institution tejen ka lir. Iba dak sendakba nung Online Registration tenzüko aser July 24 tashi lapoka alitsü, ta sangdong ka ajanga ashi.

Iba sentong kübok temsüa

aliba kaketshir nem competitive examinations coaching atema scholarship teyari agütsütsü. Aser yangji UPSC Civil Services Examination, Assam Public Service Commission (APSC) aser danga tatidang tem ajak dena lir.

National level nung dangar den kasa toktepsü asoshi candidate nem training balala den career counseling agütsütsü.

Iba test nung tematiba jenjang 50 tashi nguteter nem scholarship agütsütsü. Iba online scholarship tatidang agütsütsü jangra aliba candidate

ket nung Smartphone/ Laptop/ Desktop/ Tablet den internet junga alitsüla aser iba scholarship tatidang ya Chanakya IAS Academy Learning Management System (LMS) App nung agütsü, ta ashi.

Iba tatidang nung temaba jenjang nguteter kaketshir tenüng ya hopta ka tsungta sangdongtsü. Scholarship ya Chanakya IAS Academy Guwahati nung Physical Classroom Programs mesüra Hybrid - Online cum Physical Classroom Programs nung adentsü atema agütsütsü.

Transport Department-i tetuyuba kar agütsü

Dimapur, Chiteni/July 22 (TYO): State nung Passenger Service Vehicles ajak atema Permit agütsüba dak sendakba nung tetuyuba kar tang nungi benoka inyaksü atema Transport Department-i metetdaksüo.

30/03/1983 nü sangdongba para 16 dak ajemdaker Motor Vehicles Rules for Excluded Areas, Assam, 1942 (Nagaland Amendment Rules, 1983)

kübok Section 73(a)(ii) aser (iv) kübok Passenger Service Vehicles indang permits taa yamai latettsüo:

- (i) Taxi Cab/Tourist Taxi taa küm nung sen 200/-
- (ii) Stage Carriage/City bus/ Omni Bus taa küm nung sen 300/-

Registering Authority nem passenger Service Vehicles telesa ajak nem base permits agütsütsü temelaba agütsüo

aser iba dak ajemdaker State Transport Authority-i All India Tourist Permit Authorization, Inter-State Permits, All Nagaland Tourist Taxi Permits, Inter District Contract Carriage (Bus) Permits agütsütsü, ajisüaka applicant temi tamasa permit atema State Transport Authority nungi assurance certificate meshitsü nungdaker, ta kasa sangdong ajanga metetdaksü.

GOVERNMENT OF NAGALAND DIRECTORATE OF TECHNICAL EDUCATION KOHIMA: NAGALAND

NOTIFICATION

NO. DTE/ ESTT-2/02/2021-22/: This is to inform all the candidates who have applied NSEE-2021 for undergoing Para-medical/ Agri. & Allied degree Courses during 2021-22 session and are yet to submit Class 10+2 or equivalent mark sheet, Scheduled Tribe, Indigenous & Backward Tribe Certificates etc. are hereby informed to submit the same to the office of the undersigned by hand during office hours from 23-07-2021 to 07-08-2021 without fail.

(Nungsangmenla Imchen)
Ex-Officio Director.

Issued by DIPR

ENCUSU-i züngsem saru talila mesarutsü metetdaksü

Dimapur, Chiteni/July 22 (TYO): Eastern Nagaland College Students' Union (ENCUSU)-i sangdong ka ajanga, Eastern Nagaland kaketsürtem dang lokti tentet balalai züngsem saru saruba atema teblemstsü kaa bilemba lemsatepogo.

Eastern Nagaland kaketsürtemi züngsem saru lokti ana nem agütsütsü memlungba Union-i süoki ia agir. Züngsem saru ya lokti tentet shidak nem agütsütsü atema senso shia temeden lir. Iba dak sendakba nung Eastern Nagaland nungi

kaketsürtemi züngsem saru ENCUSU dak alaka tanga lokti tentet kecha nem magütsütsü, ta tir Serichum J Sangtam aser General Secy. Sanglekhamba Chang nati metetdaksü.

Union-isa, college balala dang college nung inyakyim balala taa dak alia ENCUSU-i memeteti saru kecha mesarutsü atema mepeshia metetdaksüo.

Maneni ENCUSU-i, iba tetuyuba sülen manidakra institution temi khuret ajak abentsü ta tekümdaksü metetdaksüo.

NLFB tekolakba M Batha den telungpur 20 temai adok

Guwahati, Chiteni/July 22 (Agencies): Tawa tentetba Bodo telungpur National Liberation Front of Bodoland (NLFB) tekolakba M Batha (Bindo Mushahary) den lenir B Bidai aser B Birkhang aser par telok nungi züngsem 20 Bresthobarnü Assam, Udalguri district kübok Lalpani police station nung bendanga agütsüogo. Parnoki prangbong injang bener bendanga agütsü.

NLFB tekolakba Batha aser pa den teyaritertemi Assam water resources minister Pijush Hazarika, BTC CEM Pramod Boro, Assam CM political adviser

Jayanta Malla Baruah, Special DGP (L&W) GP Singh nung matsüngdang bendanga agütsü liasü.

Bendanga agütsüba telungpurtem ya minister Pijush Hazarika-i gamosas kaka agütsü pelashishia agizük.

"Parnok tanü kidangi meyipa aruogo. M Batha (Bindo Mushahary), tongti lenir B Bidai aser B Birkhang nung den züngsem 20 bendanga agütsüogo.

Tanungba züngsemtem yakta bendanga agütsüsü," ta BTC CEM Pramod Boro-i ashi.

Batha ya telungpur lenirtem

rongnung tesashitba ka liasü, shibai 2020 küm January ita Bodo peace accord tasembubung nung sign sütepa National Democratic Front of Bodoland (NDFB) loksatsüba sülen küm ka lir NLFB tenteta liasü.

Peace accord nung sign sütepa sülen pa bendanga agütsü ajisüaka mapang tatsüka lir taküm March ita pai tanaben aremi meyipa aotsü telemteba agia liasü.

National Investigation Agency (NIA)-i tawa Batha aputsü atema tetuyuba agütsü aser pa apur nem sen lakh 10 agütsüsü nangzük.

Manipur Congress party in-charge Das aser lenirtem ajurutep



Imphal, Chiteni/July 22 (Agencies): Manipur Congress party yongtsü nung mepetmesü adoker aliba mapang ka nung Manipur Congress in-charge Bhakta Charan Das-i ken o bentettsü atema Bresthobarnü party state unit ketdangpurtem aser MLA tem den ajurutepa sensaksemogo.

Mangatetep adoker aliba bentettsü atema Congress tir Sonia Gandhi tetuyuba nung Bhakta Charan Das Imphal-i aru. Anogo ka ana tejakdang Manipur Congress tir Govindas Konthoujam-i mapa toktsüba sülen party yongtsü nung mepetmesü adoka liasü.

MLA aser ketdangpurtem den senden nung, Govindas Konthoujam-i party state tir mapa toktsüba densema Manipur nung Congress party-i tetsükdaksü balala ajuruba ken o balala benoka sensaksemogo.

Source balala ajanga ashiba agi, Bhakta Charan Das den senden amenba nung MLA pongui shilem magi. Senden nung shilem magirtem rongnung Govindas Konthoujam, Y Haokip, K Joykishan, D Thaisi

aser K Ranjit densema liasü, ta source ajangsa metetdaksü.

State nung party-i ajangshiba tetsükdaksü balala asadangtsü atema Bhakta Charan Das Bodhbarnü Imphal tonga aru.

Govindas Konthoujam den Congress MLA ti BJP nung adentsü renema lir ta osang temai adokogo.

Ajisüaka Manipur Congress-i iba osang ya tai aser pei tebilemba nung osang adoktsüba dang ta shiogo.

Manipur Congress otongdar K Meghachandra-i, "Govindas-i pa jurila maparen kar atema mapa toktsü. Congress MLA temi party toktsüsü kecha tebilemba mali," ta ashi.

Kasa mapang nung osang balala ajanga ashiba agi, Manipur Congress working president ka Hokolbarnü nikongtsüsü tashi nungbo shimtsü renema lir.

Osang benertem den sensaksemba mapang Bhakta Charan Das-i, Congress Legislature Party lenir melenshitsü atema takhangba kecha mali, koba tang taoba Manipur chief minister Okram Ibobi Singh-i bona lir.

Covid-19 inyakyim sülen manidakba atema CM Himanta aitsü

Guwahati, Chiteni/July 22 (Agencies): Boxer Lovlina Borgohain pusema Bodhbarnü Assam chief minister Himanta Biswa Sarma aser cabinet minister tem Guwahati nung cycle rally tulu ka nung shilem agiba sülen Covid-19 inyakyim sülen manidakba atema lenla aika nungi parnok aitsüogo.

Taküm Assam nungi Olympics nung Lovlina Borgohain kijai shilem agitsü.

Social media amshirtem aikati, Chief Minister Sarma aser minister temi Covid-19 inyakyim sülen tashi angaa manidakba atema kanga mepelaba lemsatepogo.

"Covid inyakyim sülen manidakba atema nüburttem kanga

mejungu mereneshir, ajisüaka chief minister-ibo Covid-19 inyakyim sülen manidaker," ta nisung kati Facebook nung zülutsü.

Chief minister Sarma aser pa kübok cabinet minister aser MLA temi iba cycle rally nung mask mesemi shilem agi aser tetsüngda ita inyaksangshitsü atema tetuyuba agütsür aliba dena sentoka toktsü.

State nung Covid-19 tashidak maneni prokshia aoba mapang ka nung Chief minister Sarma-i iba rally nung shilem agia liasü.

Temetettsükaji May 13 nü DGP Bhaskar Jyoti Mahanta-i, Covid -19 dak sendakba nung tenokdangba agütsü aliba anema lokti mesera kija senden balala ayonga agirtem anema nisung

tepsetsü merangba ken o ka ama benoktsü ta tekümdaksü metetdaksüogo.

"Nüburttem police anema ken o benok yonga, sepaitemi SOP sülen manidaker tem dak artsüng (lathi) agi züka merenshitsü matidaksü. Mepeptmesü adoker aliba mapang police tem kanga sashia inyaksangshitsü nüngdaker aser aibelenertem anema tashiyim amshitsü," ta DGP-i ashi.

Tang social media amshirtemi DGP Mahanta dang, Covid -19 dak sendakba nung tenokdangba agütsür aliba anema inyakba atema Assam police-i Assam CM Sarma aser cabinet minister tem anema ken o benoktsü mebenoktsü, ta asüngdangogo.



GOVERNMENT OF NAGALAND DIRECTORATE OF INDUSTRIES & COMMERCE NAGALAND : KOHIMA

Admission Notice for the Academic Session 2021-22

Online/Offline applications are invited from eligible candidates for Admission to 'Diploma in Tool & Die Making' Course (4 years specialization course in Tool Design and Manufacturing & equivalent to 3years Diploma in Mechanical Engineering) approved by AICTE at Nagaland Tool Room & Training Centre (NTTC), Dimapur.

Eligibility:

- Class 10th Passed
- Age should be between 16 to 19 years. (90% seats reserved for SC/ST candidates and also relaxation of three years in the upper age limit).

Application Form and Prospectus is issued at NTT Office, Dimapur on all working days (9:00AM to 4:00PM)

OR

Registration can be done ONLINE at <https://nttcdimapur.org.in/>

APPLY ON OR BEFORE 26TH JULY, 2021

Date of Entrance Exam: 27th July, 2021

Features:-

- Incentives for meritorious students
- 70% & above in HSLC result-Direct & free admission
- Company allowances between Rs.8000/- to Rs.15000/-p.m. in the 4th year during On-the-Job-Training / Industrial training period outside the state.
- 100% placement assistance in Private /Govt. Sectors
- Students of Diploma in tol & Die Making are eligible for SBI Education Loan
- Add-on certification course on Computer Concepts
- Industrial trainings & Internships
- Educational tour
- Seminars by Industry Experts
- Well-equipped shop floor for practical classes
- Hostel seats available on first come first basis
- Wi-fi facility available
- Safe, hygienic & spacious green campus.

For further details, visit the website: <http://www.nttcdimapur.org.in> or contact the following Course Coordinators: 7005162525 / 8787364436. (Reception desk 8257002079)

Sd/

Shri. K.Hokishe Assumi

Director

Issued by DIPR

• Website: www.nttcdimapur.org.in • Email: IDnttcdimapur@gmail.com

NTTC, New Industrial Estate, Sub-Jail Junction (Tinali), NH-36 Diphu Road, Dimapur, Nagaland

Arunachal: State Congress unit-i osettsüt jenjang ajungketba ashishi

Itanagar, Chiteni/July 22 (Agencies): Arunachal Pradesh Congress Committee (APCC)-i, petrol aser diesel, LPG aser tanga tenüngdakba osettsüt (essential commodities) balala nung jenjang ajungketba atema state aser centre nung BJP-i aniba sorkar aitsüogo.

Osang benertem den sensaksemba mapang APCC general secretary Toko Mina-i, tenüngdakba osettsüt balala nung jenjang ajungketba ajanga state nung rongsenketzung kanga mejungi kümogo ta ashi.

"Nüburttem tawadadkak mali aser mapa-a mali, ajisüaka BJP sorkari tenüngdakba osettsüt balala nung maneni jenjang ajungketba," ta lai ashiba den state sorkar dang tenüngdakba osettsüt balala nung value-added taxes (VAT) ajemtsüsü mepeshi.

Tenüngdakba osettsüt balala nung VAT ajemtsüba ajanga rongsenketzung nung nüburttem khuret tepongbaba kümdaksüsü, ta lai ashi. Laisa, Pradesh Congress-i tenüngdakba osettsüt balala nung saru ajemtsüsü atema India tir nem takhangba ka agütsüogo, ta ashi.

APCC-i tawa petrol aser diesel aser tanga osettsüt balala nung jenjang ajemtsüsü aser excise duty tali agiba ajemtsüsü

khanga, state Angh ajanga tir Ram Nath Kovind dangi temepeshiba ka yonogo.

"2014 küm INC sorkar amenoker aliba mapang petrol nung excise duty sen 9.20 liasü saka tangbo sen 32.9 kümogo. Diesel nung excise duty sen 3.36 liasü saka Centre nung BJP-i aniba sorkari sen 31.1 kümtsüogo, koba kanga aika lir," ta lai ashi.

Maneni nüburttem nem anisüngzük agütsüsü atema petrol, diesel aser tanga tenüngdakba oset balala nung VAT ajemtsüsü atema state sorkar dang akhangba den Toko-i, state nung tang petrol aser diesel nung VAT ya 20% aser 12.5% lir ta ashi.

"Arunachal nung petrol aser diesel liter ka nung sen 100 tajunger dang lir. Sorkari VAT shilem 10 nungi 15 tsüngdabosa ajemtsüsü," ta lai ashi.

APCC general secretary-isa, nüburttem achiba totzü jenjang tali akümba atema state sorkar aitsüogo aser ashiba agi totzü liter ka sen 80 aliba nungi 250 kümogo.

Tenokdangba kecha makai tenüngdakba oset balala nung jenjang ajungketba ajanga nüburttem dak indang indanga kongshir, ta Mina-i ashi.



TIR YIMYIM YIMOBILEM (EDITORIAL)

DIMAPUR ROGONÜ, CHITENI (JULY) 23, 2021

Yimten kibok asenba

Yimten aser lokti nung tangar dak temulung malem parnok shirnok den kechisa jembir ta ladanga kibok asenba aser itdangiter yoka tendangba mapa inyakerkemji tongmelang aser teindang nisung masütsü saka temulung nung tamajung bilemertem lir. Parnok jagi tangar külaoktsütsü, maksütsütsü aser yirutsütsü. Aji oda, tanü India nung yimten nung opposition nung alir yimsüsürtem dang masü saka lokti tenzüker aser osangbenertem dena parnok indang mobile phone nung jembibatam ajak menüngoka ayutsüsa Israel nungertemi yanglutetba software ka tenüng agi Pegasus amshia kiboksenba mapaji, shitak asünungbo, teinyakertemi tangarbo pei mapa nung takok mengudaktsütsü aser merenlokdaaktsütsü asoshi inyakba mapa tamajung ka asütsü. Tangari angashitsü aser menüngoka ayutsü tsübua phone nung tangar den pei jembinütsü mejembitettsüsa alitsübaji yimten yimsüsür, lokti lenir, osangbenertem aser shishilembartem asoshi tepuokdak aliba jenjang den kasa asütsü. Kechi mapa nung shiba südirüsa, mapa tamajung mesüaka, pei jembiba ajakbo tangari angashia mejembiner aser mangashidaktsüner. Ajisüaka, tang alima kintem balala nung nisung meyririjang tenem shi indang phone nung jembiba agizüktetsüsa inyakba Pegasus software maparen ajanga inyakba nung India nungia dena nisung noklang asem shi indang mobile phone dena alibaji asenok ajak asoshi taoksatsü osang ka lir. Pegasus inyakim inyaker telok tenüng dang ya NSO ta ajar. N tetezü Niv, S tetezü Shalev aser O tetezü Omri, itemji iba Pegasus maparen tenzüker nisung asem tenüng lir. Parnoki ashiba agi, iba itdangitba Spyware mapa Pegasus ya alima nung kiralongrartem mittsü asoshi yanglutetba maparen ka lir, anungji iba maparen inyaksüba yabo government nem dang ashi kija aser tanga telok nem magütsür aser shirnok nem agütsüdir Israel yimten temelaba nungdaker. Tetezü, India nung nisung 300 tashi indang mobile phone nung jembiba menüngoka ayutsü asoshi inyakba mapaji, tangar masü saka India government dang asütsü ta temulung melemer bilemer. Iba jagi, tang tatar hoho senden (parliament) nung opposition purtemi government dang iba maparen indang tama jembimatsüla ta akangba asenoki angur. Ano, tamajungbaji India nung Pegasus itdangitatsüba maparen nung züngsema alir parnok noklang asempronglaji kiralongrartem rongnung züngoker, kechiyong Pegasus inyakim yabo kiralongrartem jembishinü, inyaksangshi aser senzusenpongbatem aputsü asoshi dang lir. Aji oda, linük nung government nung alirtemi opposition purtem phone nung tangar den jembiba ajak menüngoka anidak nung koda asütsü ? Kasaji linük nung tongtibang nisung, lokti lenirtem, osangbenertem aser shishilembartem meyang phone ajak menüngoka anidak nung koma asütsü ? Iba lima nungji sensosangertem koma alitsü ? Iba inyakimji tangar ka aonung asen yipten tashi anidaka aitba amai lir ! Atangji, yimten nung yimsüsürtemi teti parnokisa yimsü sünüa bilemetsü, aji alima nung nisunger yimya. Ajisüaka, yimten nung asen anemer aser maginürtem akoktsü asoshi Pegasus amaji spyware amshia parnok kibok asen tenzükra aser parnok aolen aser parnok jembiba ajak pua anidakra, nübertem tali majung akümmtsü. Aji oda, nübertemi mulungba nung yimten lateta yimsüsüba lima ka nung, senso ajak kecha terata aser tetsübu melii temulung nung bilemba jembitettsüsa aser lemsateptetsüsa yutsüsübaji government teinyaktsü mapatem rongnung tongtibang ka lir. Ajisüaka, meyipen government-iang senosanger tarakzü majung taolen ajak nung software amshia kibok asenra, iba government jagibo nübertem mulung anisüngzüka melidaktsütetsü. Iba Pegasus mapa ya linük nung senso ajak asoshi lendong mapa ka lir, tangbo nisung 300 rongnungji nü phone-bo malitsüa akok saka asung na tongtibang nisung ka kümra, parenoki nü phone-jia Pegasus nem arishidaktsütsü. Iba yabo tatem tashi bushitsüla aser koba government lidir liang, shingaia pei senso tajung anema iba amai kiboksen mapa meinyaktsüla.

OLEMSABANG

COVID-19 VACCINE; TASEMBUBA TZÜSEM ATEMA TETZÜDANGTI

- Sentilong Ozükum

(Yashi adok nungi...)

Temeshi Lai kuli kecha melii yamala tetsübu agi takzütakbongbatem anema tangateter aser tashitemeteter aikati songtemer aser aitsür. Sakasa, yamaji asüyongbo parnoki kuli ka mesüra kabo bener arua vaccine agitsü nungnanger. Parnoki tatemtsü ashiba kar yangi lemsar:

1. Vaccine ya noklang nung noklang shilem (100%) kümzüka mali mesüra teyari magütsüteter. (mozü mesüra vaccine kecha noklang nung noklang shilem kümzüka mali aser teyaria yamajibo magütsüteter. Iba alima nung kechisa südir süaka noklang nung noklangbo kümzüka aser teyari agütsütetsüsa mali. Na tia majungnübo, techiyungdak nunga chiyungtsu agi araka mesüra ananga asütsü akok. Asenoki bulua achiba paracetamol mozü-ia sünga anogoshia alima tesem balala nung kodakinerkasür nisung meyririjang aika taküm samatsür.)
2. Vaccine agir liaka COVID-19 menar. Kechiba agitsü? (Vaccine agi virus nungi nokdangtettsüsa na meketa ain amabo meinyaktettsü. Vaccine agiba sülen COVID nungi kümzüka alitsü atema tapet yimyatam sülen shitak bentshia manidakra, na anosa COVID-19 menatsü. Saka vaccine ajak temrema agiadoker lira na wara agi zükoka shirangtsüsa aliba mesüra mozükidang amungtsüsa akümba nungibo nokdangteter ta kuli ajanga sayua lir. Ajem agiba tasaji COVID-19 agi asütsü aliba aser tanga temang timtem adoktsü aliba nungi nokdangtsü atema lir.)
3. Ajem agitsü atema shingaia ni kangshitsü makok. Ni kü nija temeden kar. (Hau, shingaia na ajem agitsü atema mekangshir. Ibai pei mulung. Ajioda süaka, ne nija temedentem jagi na COVID-19 nungi mekümzüktesü. Iba den külemi, na anasa alir nisungtemjia pei nija temedentem kar. Ne mekumdangba jaklayimya jagi nai na meketa alir takümtema lendongi yidaktsütsü akok. Vaccine agitsü nungnangba ajanga ne taküm, ne temeibatam aser linük tashi nung kongshir.)
4. Khenpika repranga ata-a lidi. (Küm tetenzük nungi nai yamaji shijen shia arur. Alima rangben nung dose billion 3.1 dak tema agia aliba nungi India lima kisung nung January 2021 nungi tenzüker dose million 394 agia lir. Vaccine agir alirtem shinga nisung taküm tepseta azüh ajemer (zombies) akümba mesüra linük asoshi rongdak temang timtem adokba kecha angashia mali. Ne nija tetendangba kuli kar bushidanger asünungbo, tang yabo ne ket nung kuli tabensa kar.)
5. Ne tsüngsü pudangtsü atema sorkari vaccine nung microchip ka inokja lir. (Na WhatsApp nung mapang tali intoker mesüra puin sangrasangji movie (science fiction movies) tali repranger asütsü. Yimya agi chips ya ajem nung tohloksüsemtsüsa kanga ilarabo masür.)
6. Meimchir anema asalendongba nung vaccine ya-a densema lir. Tangbo ni kuliji mesayutetsü saka mapang tonger jungkai adoktsü. (Vaccine ya asalendong tamajung ka süra, ibai temenatpba tetsübutsü tashitak anema yanglua renemba asalendong ka lir. Na tanü taküm alibajia na alimai aruli nungi tashitak talisa polio, hepatitis, diphtheria, tetanus, pertussis, rotavirus, measles, chickenpox aser vaccine meyanglutetdang taküm million aika samatsüba tanga tashitaktem nungi jenbua alitsü mechi vaccine agia arua aliba agiang asütsüa akok.)
7. Tsüngremi ni kümzüksü. Nisungi yangluba mozü dang nungibo Tsüngrem dak-ang tamang yudi. (Iba ya-a oda amangerji ta sür amangba mesüra anatsü nok ama asüba agi lir. Tsüngrem O nung, temenen mojing-ia Yisu atidangtsü atema kasa tebilemdangbaji amshiba indang shia lir. Yisu dang lung agi amtsük akümmtsü atidangba tasa tamakok anguba sülen, Mathi kaket nungji reprangdangra temenen mojingi Yisu Khrista temeshi yimti-i anir ao aser tenlaki kolak nung nokdaktatsüba sülen Pa dang, "Na Tsüngrem chir süra na yangnungi pongzükang, 'Pai kotak tenyartem yoka na kümzüksü ozüng agütsütsü' ta ashiba zülua lir. Iba mapang Yisu-i, "Nai ne Tsüngrem tetendang" ta langzü. Tsüngremi pa mesükba nung asenok yanglu aser iba rongnung 'Shisadangtsü aser bilemdangtsü' tashi dena lir. Tang iba tebilembaji bener nai ner tanur kinü sozükli nem vaccine agütsür doctor-temjia sottsü asü?)

Arogo nungi telanzüba

Arogo nung lenir aikati COVID-19 vaccine indang onük nung ola madoker. Parnoki vaccine agiba sentongbo manemer saka iba denji külemi parnoki arogo sabang amshia nütsüngtem dang vaccine agitsü koda tongtibang aser tajanzük item tesayuba peria magütsür. Hau, iba atema shingia parnok maitsür mesüra temeyong metuloktsür. Mozü shisadangba wadang nung degree mesüra microbiology nung PhD magi asünung mozü aser vaccine dak sendakba nung nübertem nem tesayuba agütsütsüji parnok tetemsü masü ta parnoki bilemer. Kibok sensaksem ka nung sannüker kati kü dang, pandemic nungi salatsü asoshi lenmangji ibai asünung ni COVID-19 vaccine dak tamang akar saka sayutsüngiba sabang (pulpit) nungi vaccine ajungba indang sayutsüngiba O agizüksü tamangertem ano renema mali ta nemjema lemsatp. Ano sannüker katia, par arogo nung putirtemi COVID-19 vaccine agiba ya tanülar wadang den sendaktepa aliba aser maliba kuli kecha mali asünung arogoiba iba onük nung ola madoki dang ataa alitsüla ta lemsatpba ashi. Vaccine agitsü ajungshitsü atema arogo ya sabang ka ama amshitsü nungi nokdangtsüsajia arogo tanishirtem atema tanga tejangja kuli balala aliba ajanga asütsü akok. Ajioda süaka, 'pulpit nungi sayutsüngiba'-ji 'nübur inti asoshi tebilemdangtsü' katetdaktatsüba lokti ka nung asenok alir aser wara tasembuba tzüsem agi asenok dak mekongshidang nütsüngtem nem vaccine agütsütsü aritepba mapang, pulpit nungi mera teraka agiba jagi nübur taküm jenti kümzükba nung shilem tulu agitettsü.

Vaccine agitsü atsüayongtepba melidaktsütsü asoshi arogo-i rongdaksüa yakyaka tongti shilem agitsü nungdaker. Vaccine agiadoker alir sannükertemi vaccine agiba indang taküm kulitem maneni lemsateptsüla aser nütsüngtem dang vaccine agitsü koda tongtibang iba indang tesayuba agütsütsüla. Arogotemisa Media sabang balalal nung ayimsünga prokshitettsüsa COVID-19 vaccination dak sendakba nung tesayuba sentongtem atema doctor aser mongintem nem pulpit sabang lapokja asameyangtsü nungdaker. Lanurtemia COVID-19 vaccine dak sendakba nung sangrasangjia social media nung 'tepuatsütem' keta yanglur prokshiba nung shilem agitettsü akok.

Nüngtugu Christian scientists aser America lima National Institute of Health nung tokolakba, Francis Collins-ia tawa mulungpabok sentong ka mapang, "tang ama temangmangtep mapang ka nung arogo-i ochiba nung amangertem tokolak ka ama tenem kolak nung tesangwa milen tsükloka yutsür ka kümtem." Aji mesüra taküm asükwa mongpu nung teshimak Christmas kati asenok atadar ta ashi.

**Iba Olemsabang nung lemsaba ken-o aser shisatsü ya iba ocet züluri
bilemba ken-o ama tazüngerü angateta agitsü mepishir**

Bangladesh nung Khristantemi Covid agi kongshiba kibongtem yarir



Bangladesh nung Khristantemi coronavirus wara agi kongshiba kibongtem nem chiyungtsü lema agütsüba noksa nung angur.

July 22, 2021: Muslim nung ner nütüning timba aliba linük, Bangladesh nung tang coronavirus wara kanga prokba mapang nung Khristan lanur tentetemi linük nung coronavirus wara agi kongshiba kibongtem aser sensakertem yaridar.

Khulna Arogo kübok Bangladesh Catholic Students' Movement's (BCSM)-i wara mapang nung sensaker kibongtem nung chiyungtsü agüja arudar.

July 22, 2021 nüa lanurtemi sensaker kibong 100 shi nem jang seret pongungu, totzü litre kaka, menjang seret kaka, metsü aser sapon lema agütsüogo. Bodhbarnüa Khristan lanurtemi Muslim, Hindu aser Khristan kibong aika nem chiyungtsü lema agütsü.

Tang tashi nung BCSM unit-i sensaker kibong 1,200 shi nem chiyungtsü lema agütsüogo.

St. Joseph Arogo nung züngsem, Manik Adhikary-i, "Ozü nema jang, menjang, totzü, sapon aser maida agütsüogo. Ozü kibongi chiyungtsü kanga nüngdaka liasü," ta metetdaksü.

Khulna ya industrial area ka lir, ajisüaka coronavirus nokdangtsü atema industries aika shibangba ajanga nisung aika sen mengui timtemer.

Arogoisa coronavirus agi

shirangertem nem oxygen agütsüsi tebilemba liasü, saka Arogo ket nung senotsü peria maliba agi meinyaktet.

Osangbenertem den jembidang BCSM St. Joseph nung food distribution wing nungi Hubert Sony Ratna-i, "Khulna ya industrial area ka lir, ajisüaka lockdown ajanga industries aika shibangogo, aser item industry nung inyakertem sen mengui kanga timtemdar. BCSM tenung nung onoki akokba tashi kibong aika yaritsü meranger. BCSM züngsemtem aser temelungertemi chiyungtsü lema agütsüba maparen nung yariteper," ta metetdaksü.

"Wara tenzüka mapang nungbo nisung aikati teyari agüja liasü, ajisüaka iba wara mapang talangka aliba agi nisung aikati tangbo tenla magütsüteter. Nisung kari tenla agütsüdar aser senotsü lenmang bushitsü-a kanga tasak kümogo. Iba dak alia volunteers angutsüa kanga tasak, kechiyong tsürabur aikati wara tsübuba agi pei chirnurtem kidang nungi mayazükdaksünar," ta paisa metetdaksü.

BCSM ya Khristantem mapa tajung ajungkettsütsü nükjidong nung 1991 küm tenteta liasü aser iba telok ya International Movement for

Catholic Students' & Episcopal Commission for Youth den affliate süa lir.

BCSM St. Joseph unit dang masü saka Arogo aikati wara mapang nung shirangertem aser sensaker kibongtem yaria arudar.

"BCSM Barishal Arogo, Chittagong Arogo unit aser Rajshahi Arogo unit-i timtemertem maneni yaria arudar," ta BCSM national president Patrick Purification-i metetdaksü.

"BCSM'central committee nung züngsemtemji Arogo balala nungi lir aser tang parnoki peipei tesem nung nüburtemyaria arudar. Tangbo senotsü lenmang bushitsü kanga tasak kümogo, ibayongji onoki bilemba ama kibong aika meyariteter," ta pai osangbener nem metetdaksü.

"Barishal unit-ia enoch 72 nem chiyungtsü lema agütsüogo. Rajshahi aser Chittagong units-i sensakertem yaridar aser tanga Arogo temi sensakertem yaritsü atema senotsü lenmang bushidar," ta paisa metetdaksü.

Bangladesh nung sorkari wara nokdangtsü atema July 23 nungi August 5 tashi linük tesem ajak shibangtsü. Linük nung tang tashi nung coronavirus agi nisung 18,500 shi süogo.

China nung sorkari Khristan asüpila sentong nung timtem agütsü

July 22, 2021: Tawa China nung Guizhou province kübok Guiyang City nung aliba House Church ka nung Khristan ka asüpila sentong ketdangsertemi timtem agütsü.

Asüpila sentong agiba mapang nungji Chinese Communist Party (CCP) ketdangsertemi asüpila sentong agiba tesemji mita ao aser Kangki den Lai o zülua aliba oset ajak apu, ta International Christian Concern (ICC)-i metetdaksü. CCP ketdangsertemisa

asüpila sentong nungji sarasademtsü memelaba dang masü saka kententsü aser Lai O azüngtsü memela.

China Aid osang ajanga ashiba agi, asüpila sentong agiba anogo nungji sepaitemi asüpila sentong agiba tesemji longbanga liasü aser Khristantemi kongki balala bener aruba nokdang.

Tesüiba küm ishika Guiyang nung Khristantem anema inyakba kanga bulua kümogo.

Mapang shia CCP ketdangsertemi house

churches mita aoer, Amongnü tekülem sentong tagidak mapang nung timtem agütsür aser pastor tem, putirtem aser Khristantem ki mita aoer. Ajisüaka CCP ketdangsertemi Khristantem asüpila sentong nung timtem agütsüba yabo tang mezüing ataloker, ta China Aid-isa metetdaksü.

China nung Khristan yimsü anema inyakyonga CCP-i Buddhist aser Daoism nembo temelaba aika agütsüdar; item rongnung asem atemba aser menemtsü arongtsü melaba densema lir.

ANOGO ABEN TSÜNGREM DEN

Teshimtetba, Chuba Putir Temeshi asütsü Aja

"Saka Shibai ammag nungi pei tesüngmangtsü tesangwa dangi nenok aja, nenokia pa tajungtiba jungkai adokdaksütsü asoshi nenok teshimtetba kin, chuba putir telok temeshi kin, aser Tsüngrem pei agitsü nüburtemi nenok lir." 1 Peter 2:9

Kibubai ashi,'shiba tang lir, aser liasü, aser tarutsü lir, aser ajak takoksang, iba kibuba Tsüngremi ashir, Ni Alfa aser Omega.'Nenok yiruba lenmang nungi nenoki kü dang majadang yongi ni nenok meteta liasü. Ni nenok aja aser dang kü jong kübok kümzüka lir, ammag nungi tesüngmangtsü tesangwa dangi nenok aja.

Pai ajaba ama asenok taküm dangi jangratemtsü bener arutsü aka yamaji meliteter. Teka süngtoker pai agütsüba temoatsü agizüker, aser sempet agütsüba agir saka pai ajaba ama teshimtetba kin, temeshi chuba putir kin telok ama malir. Anungji Pai ashir tajung ajak agütsüsang dangi meyipang aser kü dak anisüngzükanag. Tanü na aja sangi ajaba ama lidarma.?

SARASADEM

Kibuba, kü dak malang nai ni teshitet, temeshi chuba putir asütsü ajaba ama alitsü merangdi. Amen

Tesüiba anogo 200 tsüngda Nigeria nung Khristan 3,462 tepsetogo

July 22, 2021: Nigeria nung melungtet telok- International Society for Civil Liberties & Rule of Law (Intersociety)-i Nigeria nung Khristantem jenti tepsetba report ka sayaogo, ta International Christian Concern (ICC)-i metetdaksü.

Taküm Nigeria tesem balala nung tesüiba anogo 200 tsüngda Fulani telungpurtem aser Boko Haram telok nati Khristan 3,462 tepsetogo; iba dak alia Khristan 3,000 shi apu, Arogo 300 amak aser putir 10 tepset, ta Intersociety report ajanga metetdaksü.

"Jihadist Fulani telungpurtemi Khristantem timba tepsetogo; anogo 200 tsüngda parnoki Khristan 1,909 tepset, Khristan 1,063 ji Boko Haram, ISWAP aser Muslim Fulani auertemi tepset. Tanünga Khristan 490 ji Nigeria sepaitem, Nigeria Police Force aser Armed Forces-i tepset. Khristan 3,462 tepsetba nungjagi Khristan 300 bo jihadist telok balalai puer oa tepsetba lir. Parnoki puer aoertem nisung 10 shia nungi asembosa tepsetogo," ta Intersociety-i metetdaksü.

Taküm January ita nungi tenzüka tang tashi nung Tenla ki rongdoktsüba, amakba mesüra shibangtsüba Arogo 300 shi lir aser putir mesüra

pastor 10 shi puer oa tepset. Tanü tashi Nigeria nung Khristantem jenti tepsetyonga sorkari ochi temeden magütsür, bushisüngdang masür mesüra aibelenertem anema kecha meinyaker. Takoksa angur kibongtem sorkari khenyongi sendoker, ibayongji linük balalai Nigeria sorkar kanga aitsüdar.

"Nigeria nung takoksa anguba aser mangyimer kibongtem atema sarasademjang. Sorkar nem shisa agüjang aser Khristantem kümzüksü atema sorkari inyaktsü asoshi sarasademjang. Nigeria nung tamangertem timtemba jenjangji alimai junga metettetsü aser Arogo reshikangshir mamangertemi tatok meshia Khrista ajanga tekümtet angutsü atema sarasademjang," ta ICC-i mepishia metetdaksü.

"Nigeria sorkar aser states sorkartemi Nigeria nung Khristantem jenti tepsetba ya tamangba yimsü nung ajemdaker masü saka shiruru mesürtem aser aluyimertem tsüngda rara ajanga mesüra auertem ajanga lir ta shia ochi miimbangtsütsü meranger, ajisüaka bushisüngdangba ajangabo sorkari jembiba amaji masü ta bushiteter," ta report nung shia lir.


OLONG PAITEP # 5883

1		2		3		4	5			
				6						7
		8								
9				10		11				
			12					13		
						14				
16						17				

TIPILEN		LANGTSÜNGLEN	
1. Nisung jenti - (5)		1. Tenük telong - (9)	
4. Tsük rudenba - (5)		2. Committee dang ajar - (5)	
6. Temzüng tesashi - (5)		3. Yagi ki okdoker - (7)	
8. S _ _ _ i - (3)		5. Yim lenmang - (5)	
9. Nisung telemsa - (3)		7. Temoatsü keter meyipa aruba - (9)	
10. Anogoshi - (4)		11. Kanga junga menemba - (7)	
12. Ajanga aor - (4)		12. Majinü - (5)	
13. Tsük rizüngdak - (3)		13. Tzüma nung senzüba - (5)	
14. Tebang nungi adokba - (3)			
16. Süngdong tatembangtiba - (5)			
17. Meputep - (5)			

OLONG PAITEP # 5882 TELANGZÜBA

TIPILEN :	LANGTSÜNGLEN :
2. Bangsemo, 6. Tiptem, 8. Jen,	1. Yipten, 3. Nüja, 4. Sangro, 5. Milen,
9. Talila, 11. Aren, 12. Tzübo, 14. Alia,	7. Tulu, 10. Laza, 11. Aben, 12. Tiyong,
16. Angati, 17. Odi, 18. Azü,	13. Ajizük, 14. Aitsü, 15. Tasa, 16. Aina.
19. Sünglang.	



KIDANG KILIR TENUNG MOABA/MOALA JATSÜBA TETEZÜ KECHI...???

Sobang : Temba...Tawa tanü Tir Yimyim nung kilir junga anepalua ayutsü atema kanga zülutepa aruogo... Kari kilir dang mejungi benshiba ali asü ...???

Alokba : Temba...Kibong kar nung kanga mejungi züka merenshiba osang kaket nung zülutepa adokba-to naibo mezüngshi asü koda-ka ...!!!!???

Sobang : Surabangla aikati kidang ayuba kilir tenung Moaba & Moala ta jatsüba ya kechi-kechi ka moatsüba agi 'Moaba & Moala' ta jatsür akaaa....???

Alokba : Waaammaaaa...Kechisarina moatsüba agi iba nungjalok jatsürba asütsü adi.

Sobang : Temba....Koa kechi-kechisa moatsüba'ar nai ka-ka zünga shiangjong ...???

Alokba : Suoshi tejen-teshisa moa...Chisung-aonsung moa...Tekapu temelem moa...
Tetsüng agi shiruru dak amai mettsüshitsü moa...Yipden tamajung nung
mejangtsü moa...Osu tamajung Azü-ak moa... Oda asenoki meinyaknuba
mapa tasak ajak agi moatsüba agi Moaba & Moala ta jatsür sulabaaa.

Sobang : Ooooooooooh...!!! Temba Alok...!!!!!! Nai kanga dang shitak shiogo niiliii

~ Lilir : L. Kika Pongener.

AO OSHI ANGAZÜKDAK:

TANÜ ANGAZÜKTSÜBA OJANG



Kilen

(n) ki shia, ki kaka azüngba (each house hold)

* Arogo nunger **kilen** shia saru sen noklangkaka sarur.

Kilentzü

(n) tzünglu aruba mapang motzü yima aluba lenmang (drainage)

* **Kilentzü** junga meyangluba agi lenmang kanga melaa raksar.

NAI-A YA METETTER MA?

JULY 23 NÜ ASOR TONGTIBANG NISUNG KAR:

- Pope Clement XI (1649)
- Detective novelist Raymond Chandler (1888)
- Indian independence activist Bal Gangadhar Tilak (1856)
- Ethiopian Emperor Haile Selassie (1892)
- Actor Ronny Cox (1938)
- Talk show host Don Imus (1940)
- Musician David Essex (1947)
- Actor Woody Harrelson (1961)
- Actor Philip Seymour Hoffman (1967)
- Guitarist Slash (Saul Hudson) (1965)
- Singer Alison Krauss (1971)

TANÜBO NAI LANGZÜANG

Q. Koba küm China indang BRI (Belt and Road Initiative) tenzük?

- A. 2012 B. 2013 C. 2014 D. 2015

===== (Taruba adok nung onoki langzüsü)

YASHI ADOK TELANGZÜBA : New York

SUDOKU # 5923

TELANGZUBA # 5922

7		9	4	6		3			9	2	8	3	5	7	1	6	4
	6		5			9	8		6	7	1	9	4	8	2	3	5
	5	3				1	4		3	4	5	6	1	2	7	9	8
4				7	8				2	8	3	7	6	4	5	1	9
	7		2	1	6				4	6	7	5	9	1	8	2	3
3	2			9		7			1	5	9	8	2	3	4	7	6
6	9	7	1			4	3	5	7	9	2	4	8	6	3	5	1
8				4	5	7	9		8	1	6	2	3	5	9	4	7
		1		3	9	2			5	3	4	1	7	9	6	8	2

OJANG LUTEP # 5468

- PNÜJEA :
- IAL :
- LOKTMASÜ :
- MAA :
- MTTIEM :
- A K :
- DAMAK :
- EMTIMT :
- ATI :
- ARUSHJUI :

OJANG LUTEP TELANGZÜBA # 5467

LAJAR OLA ALIMAIBO MANGASHI TOKTSÜR SAKA KOTAKERIBO ZÜNGZÜNGA ANGAOKA AYUR

TAN HOPTA ATEMA - KOMA SÜLA ?

Q. Akhi tsüraburtemi yim akümdang yatetba ali kimong aser alushi dak alaka, tanü putu tasenba nung kibong kati ajangzük tetba ali rongsentem madakbo, kibur küma senmangtsü asoshi, tetsür - tebur aser jala- jabaso ta mali, kibong nung tsürabur ana mulung südaktsü nunga koma süla ?



Jaipur, July 22, 2021: Pegasus spyware ken o dak sendakba nung Brihostibarnü Jaipur nung Congress züngsemtemi Centre sorkar anema longkak aitba noksa nung angur.

Haryana nung Congress lenirtemi Pegasus onük nung longkak ait

Chandigarh, Chiteni/July 22 (Agencies): Pegasus spyware amshia sorkari opposition lenirtem, osangbenertem aser tongti lenirtem phone itangitba anema Brihostibarnü Chandigarh nung MLA tem densema Haryana nung Congress lenirtemi longkak aita Raj Bhavan-i aotsü merang saka police-i parnok nokdanga liasü.

Haryana Affairs AICC in-charge, Vivek Bansal aser state Congress Tir, Kumari Selja na leniba nung party lenirtem aser züngsemtem party office nung adenshiba sülen longkak aita Raj Bhavan-i apusoa liasü. Parnoki party office kima longkak aitba sülen Raj Bhavan-i longkak aita

ao saka police-i parnok nokdang. Osangbenertem den jembidang Congress lenirtemi, coronavirus wara anema tenokdangba aliba nung ajemdaker police-i parnok nokdang, ta metetdaksü.

Party lenirtemi ashiba agi, Pegasus ken o dak sendakba nung parnoki state Angh nem temepishiba shidi ka agütsüsü tebilemba liasü.

"Israel nunger spyware Pegasus amshia linük nung opposition lenirtem aser osangbenertem densema nisung 300 indang phone itangitba atema Centre sorkari telangzüba agütsüsü, ta state

Congress Tiri ashi. "Iba sorkar kübok komaser spyware jagi ya (India) atong, shibai temelaba agütsü? Sorkari item tasüngdangba atema telangzüba agütsüsü, ta laisa ashi.

Longkak aitba sentong nung kechiba Opposition Lenir, Bhupinder Singh Hooda bo maden?, ta asüngdangba langzüdang Bansal-i, taoba mapang chief minister aser Opposition lenir, Singh-i doctor temi pa anogo ishika kidang amongtsü tuyuba ajanga pabo iba sentong nung medentetsü ta phone ajanga metetdaksür liasü, ta ashi.

India nung nisung 45,374 dak Black fungus putet aser 4,332 asü

New Delhi, Chiteni/July 22 (Agencies): Brihostibarnü Union Health Ministry-i, India nung tang tashi nung nisung 45,374 dak Mucormycosis (Black fungus) putetogo aser iba tashidak agi shiranger 4,332 stüogo, ta metetdaksü.

Rajya Sabha senden nung Black fungus dak sendakba tasüngdangba ka langzüdang Minister of State Health & Family Welfare, Dr. Bharati Pravin Pawar-i, "Mucormycosis mesüra Black Fungus ta ajaba tashidak ya tashidak tasen ka masü, saka taküm May ita tashi nungbo iba tashidak ya sorkar nem osang metetdaksüsa aliba tashidak ka masü liasü, saka linük nung iba tashidak asadangtsü atema May ita nung Ministry of Health & Family Welfare-i state tem dang Epidemic Disease Act, 1897 kübok Mucormycosis ya 'sorkar nem osang metetdaksüsa aliba tashidak ka' ta sangdongtsü atema mepishia liasü," ta metetdaksü.

Union Minister-isa, "Tesüiba ita ana tsüngda linük nung Mucormycosis tashidak ya kanga ajema kümдар," ta

Mucormycosis mesüra black fungus ta ajaba tashidak ya fungal infection ka lir. Iba tashidak indang fungus ya teküp nung komo/tarak balala keta aliba ajanga temangi aiter, ta Union health ministry ajanga metetdaksü.

Iba tashidak ya talisa coronavirus tashidak nungi anepba mapang mesüra aneper alirtem dak kanga bulua puteter. Iba dak alia diabetes agi shiranger aser temang nung tashi meiti alirtem dak iba tashidak melamela adoker.



July 22, 2021 nü Kochi (Kerala) Youth Congress züngsemtemi Forest Minister, A K Shashindran-i minister menden toktsüsü, ta takhangba agüja longkak aitba noksa nung angur. Kollam nung party züngsem kati tetsür dak tim mesüi benshiba ken o ka Saseenndran-i bentetsüsü merangogo, ta minister nem tai tonglojka lir.

TENÜNGSANG AGÜTSÜR

Wb. Lanutemjen Walling aser Wt.Lanumenla Jamir na jabaso **Sp.Mongdikokba Walling**-i HSLC tatidang 2021 nung Top 12 jenjang ngutetba den Fernwood School, Kohima nungi state nung Social Science nung marks tematiba ngutetba atema, Kohima Khar Students Union-i pa nem tenüngsang aser tetushi tulu agütsür.

Union-isa HSLC aser HSSLC tatidang 2021 nung takok angur kaketshir ajak nem tenüngsang agütsür aser tarutsü nunga takok lidakjang ta sarasademtsür.



President
Temjenmeren Walling

General Secretary
Amenla Jamir

Office of the Mokokchung Senso Mungdang KONANG TETUSHI AGÜTSÜR

Mokokchung Senso Kaketshir rongnungi mangdang aser nükjidong tulu yur Teyanglur Tsüngrem akhümtsübuwa nendaka aser meranga azüngba yari tangar dang nungi alakteta 2021 küm HSCL/HSSLC/College, tatidangtem nung temaba takok jenjang tajung nguteta yimer nem konang nüngsang tulu bener arutsü nung, senso mungdang mendendi ajanga tenüngsang aser akhüm tetushi tulu agütsür.

- Miss Akumienla Pongentsür, D/o Mr & Mrs. Chubameren Pongen, Top Position (Gold Medal) in BBA (under graduate) Tetso College Dimapur.
- Mr. Imcharenba Atsongchanger, S/o Mr & Mrs. Yashimeren Atsongchanger, Top No. 6 (HSSLC Science Stream) State Subject Topper in Physics (99 marks) from Queen Mary Higher Secondary School Mokokchung.
- Mokokchung Senso Kaketshir tajungtem yimtsüng kübok aser jila balala nung alir kwikati takok tajung nguogo, nenok ajak dang pelar aser tushir.

Tarutsü anogotem nunga kasa takok tajung nguteta ajaki pei nükjidong tongtetsüsa tali ajemalushir meranga azüngtsü ajungshir.

Sd/-
President
Mokokchung Senso Mungdang

Sd/-
Secretary
Mokokchung Senso Mungdang

Aluyimertemi Jantar Mantar nung longkak ait tenzükogo

New Delhi, July 22 Bodhbarnü Delhi sorkari (Agencies): Aluyimba ozüng aluyimertem nem temelaba agüja liasü, ajisüaka longkak aitba mapang nung wara anema tetuyuba balala shidak bentshitsü aluyimertem dang tuyua liasü.

Brihostibarnü Singhu arrtsü nungi aluyimer 200 shi bus ajanga Jantar Mantar-i aoba sülen anüngdang 11:00 ako nungi nikongdang 5:00 ako tashi longkak ait.

Mepetmesü nokdangtsü atema Jantar Mantar nung police aika lemezükja liasü.

Taküm January 26 (Republic Day) nü aluyimertem tractor rally ayongzüka agiba mapang nung lendong atalokba ajanga ketdangsertemi aluyimertem longkak aittsü atema temelaba agütsüsü asoshi atsüayonga liasü.

Ano külen Union Agriculture Minister, Narendra Singh Tomar-i, "Longkak aiter aluyimertem melunga lir. Taoba mapang nunga onoki parnok den jembigo. Narendra Modi-i aniba sorkar ya aluyimertem atema bilemstüba sorkar ka lir," ta metetdaksü.

Jantar Mantar nung longkak aittsü atema

Bodhbarnü Delhi sorkari aluyimertem nem temelaba agüja liasü, ajisüaka longkak aitba mapang nung wara anema tetuyuba balala shidak bentshitsü aluyimertem dang tuyua liasü.

Aluyimertemi August 13 tashi longkak aittsü sentong yanglua lir, ajisüaka Delhi sorkari Jantar Mantar nung longkak aittsü atema August 9 tashi dang temelaba agüja lir.

Aluyimba ozüng tasen asem anema state balala nungi aluyimertem yaküm November ita nung Delhi arrtsülen- Singhu, Tikri aser Ghazipur nung adenshir longkak aita arudar.

Aluyimertemi sorkar dang Farmers' Produce Trade & Commerce (Promotion and Facilitation) Act, 2020, Farmers' (Empowerment and Protection) Agreement on Price Assurance & Farm Services Act, 2020 aser Essential Commodities (Amendment) Act, 2020 agienang, ta takhangba agütsür, iba denji külemi alu nungi züsentetba aonsotsü balala nung minimum support price (MSP) agütsüsü atema ozüng ka yangluang, ta akhanger.

YAKTA TENDANGBA AGI TAKÜM AIKA KÜMZÜKER !!

Nü dak item timtem lira yakta TENDANGANG :



- Mesüra Covid-19 agi shirangba yimya lira
- Mesüra tashidak aketer den anasatepa kazüa lira



- Yakta Tendanger Putetba ajanga taneptsü angutsüsa jungjunga anepalutetter
- Na tashidak aketer den anasatepa kazüa lira shirang tenzük tata

COVID-19 yakta tendangteta anepaluba Tajangzüktem

- Nü temang junga reprangtetter
- Nür kibong aser medemertem kümzüka ayur
- Menatepa moudaktsüi nokdang
- Kanga tashi agibo Meshirangdaktsür aser tasütsüba nungi kümzüker.

Tanüsa Nü dak TENDANGANG

- COVID-19 agi shirangba yimya alirtem
- CONTACT TRACING nung tenüng alirtem

Nenok meyong item den ya tongtepratepang: **ASHAs, AWWs, Anasatiba Mozü kitem.**



TETI ITEM TEKÜMDANG-TSÜTEM BENSHIANG



NAGALAND AGAINST COVID-19

Covid-19 aser temang timtem atema tasüngdangtsü lira
Dial State Help line No.1800-345-0019 / National Toll Free - 1075.



Madagascar tir tepsettsü tasa yangluba raksatsü



Andry Rajoelina

Antananarivo, Chiteni/July 22 (Agencies): Tir Andry Rajoelina tepsettsü tasa yangluba maparen nung temolung melemtemi bendanger aser Malagasy nung kar puogo, ta Madagascar nung aliba ketdangsurtemi ashi. State security nung timtem agütsüba bushisüngdangba nung shilem ka ama item nisungtem ya Mongulbarnü apu, ta Attorney General Berthine Razafiarivony-i Brehostibarnü ashi.

Razafiarivony-i osangbener den jembiba mapang, iba tasa raksatsüba nung tir dak alaka ano yimten yimsüsür kar tepsettsü dena liasü, ta ashi. Pua alir bendangertem ya koba linük nungiar memetet. Iba tasa ya kotaka mesüra koba tashi inyaka aliar ajia mejangja. June 26 nü linük indang Independence Day amungba mapang sepaitemi sangdong ka nung par lenir General Richard

Ravalomanana tepsettsü tasa yangluba raksatsü, ta shia liasü, shiba Rajoelina den atongba lir. Rajoelina ya 2019 küm election sülen tir ka ama inyaka arur, aser iba election nung ashikülak mapa inyak ta tai tonglokja pa den toktepsang aser taoba tir Marc Ravalomanana-i ken-oa benoka liasü. Arishi küm 44 tain Rajoelina-i mitkar teyari nung 2009 küm March ita Ravalomanana nungi tir menden rakzüka 2014 küm tashi transitional government nung tir inyaka liasü. 1960 nung France nungi nüjiso anguba sülen iba linük nungya mitkar tashi amshia sorkar atsüngdokba aser rongrongshirong adokba otsü jenti lir. Iba asetkong nung arem shiruru tabu balala aser vanilla aliba atema alima ajungai kanga junga meteta lir, saka bendangeri teyari agütsüba nung metaloka alir.

WHO-i COVID poktetba tanaben bushiner; China-i memolunger

Beijing, Chiteni/July 22 (Agencies): World Health Organization (WHO) ajanga coronavirus poktetba tanaben bushisüngdangtsü sentong yangluba China-i Brehostibarnü magizük, koba China nung laboratory ka nungi tenzük, ta temolung melemi jembir.

WHO-i China nung coronavirus poktetba indang tanaben bushisüngdang tan ita tenzüksü sentong yanglu, aser iba mapang parnoki Wuhan yimti nung aliba laboratory tem aser shishilempaba tesemtem indang audits dena asadangnüa liasü. "Onoki iba ama tashidak poktetba tsüngsü aputsü sentong magizüksü, kechiaser yangji meimchir dak teratetba shisatsü mezüngshir aser science dak tamang makaba sayur," ta National Health Commission (NHC) indang vice minister Zeng Yixin-i osangbener dang ashi.

Zeng-i ashiba agi, pai WHO indang sentong mezüng züngdangba mapang süngmang, kechiaser yangji China-i laboratory protocol nung aibelena research agiba mapang virus ya temai adokdaksü ta shia lir.

China nung COVID-19 tashidak wara poktetba indang bushisüngdangba mapang yangji tashidak mezüng menatepa aoba indang raw data peria maliba agi tetsükdaksü



ajurua liasü, ta WHO tekolakbai July ita tetenzüklen shia liasü. Apok karbo melemsateptet, ta Zeng-i ashi.

"WHO ajanga süoki ia tanaben asadangshitsü aser China nung mongintemi ashiba ama inyaksü imlar aser COVID-19 virus poktetba indang tsüngsü apuba ya scientific mapa ka ama züngshitsü aser yimtenren nungi teka mesangshitsü imlar," ta Zeng-i ashi.

Iba virus poktetba bushiba den yimtenren tangatetba meyoktepa China-i anema nokdaker, ta pai ashi.

Iba virus poktetba ya mongintemi tang tashi tejangja mebushiteti lir.

COVID-19 virus ya central China kübok Wuhan yimti nung 2019 küm December ita mezüng poktetba jangjateta lir. Iba yimti nung shishilempadak chiyongtsü ama ayokba shiruru nungi nisung dak virus ya poklok, ta amanger.

May ita US Tir, Joe Biden-i pa den yaritepertem dang iba

virus poktetba indang tasüngdangba nung telangzüba ngutettsü totuyuba agütsü aser iba virus ya China nung aliba laboratory ka nungi adok südi ta temolung melemi US itdangiter temi bushir, ta shia liasü.

Osangbener den jembiba mapang Zeng den ano ketdangsurtem kar aser China nung mongintemi WHO dang iba tashidak poktetba indang tsüngsü apuba maparen ya China nung kisüng masü saka danga lima nunga inyaksü ajungshia liasü.

"Lab nung adok ta jembiba nung onoki khenyongi mamanger aser yangji tali indoktsü menüngdak," ta WHO joint expert team nung Chinese team leader, Liang Wannian-i ashi. Shiruru asadangba maparen tali nüngdaker, talisa la aliba linüktem nung, ta pai ashi.

2019 küm Wuhan Institute of Virology's (WIV) ajanga 'gene sequence' aser 'sample database' ya offline nung agitsü telemtetba agiba ajanga virus ya lab nungi temai adok, ta tali tamang makateti akum.

Iba telemtetba agiba indang asüngdangba mapang, cyber attack aliba mechi database ya telung nung dang lemsateper, ta WIV nung professor aser National Biosafety Laboratory indang director Yuan Zhiming-i osangbener dang ashi.

OFFICE OF THE
CHANGTONGYA SENSO TELONGJEM DIMAPUR
DIMAPUR: NAGALAND

Ref. No: CSTD/Gen/2020-22, 12

Dated 22nd July, 2021

TENÜNGSANG AGÜTSÜR

HSLC & HSSLC examination, 2021 nung takok angur ajak aser talisa Changtongya yimtsung nungi tematiba jenjang (topper) nung takok ngua yimtsung nem konang nungsang bener arutsüba takok benjong nung Changtongya Senso Telongjem Dimapur, Dimapur Changtongyatsür Telongjem aser Changtongya Kaketshir Telongjem Dimapur densema tepela lemsateper.

**YIMYATETLA LONGKUMER**

Rank 3, HSLC 2021

Subject Topper: Science 100 marks
Holy Cross Hr. Sec. School, Dimapur
F/N- Er. B. Tiameren
M/N- Shilunungla

**Yashijungla**

Rank 16, HSLC 2021

Subject topper: Environmental Education 100 marks
Christian Standard Hr. Sec. School, Changtongya
F/N- Late Lemdongnukshi
M/N- Moasenla

LONGTILA JAMIR

Rank 10, HSLC 2021

Subject Topper: Social Science 100 marks
Model Hr. Sec. School, Kohima
F/N - N. Chuba Jamir

**TEMSUSANGLA**

Subject Topper: Social Science 100 marks
Christian Standard Hr. Sec. School,
Changtongya
F/N- Imsuyapang
M/N - Oneninla

**TEMSUTSUNGBA LONGKUMER**

Subject Topper: Social Science 100 marks
Fernwood School, Kohima
F/N- T.Onen Longkumer
M/N- Bendangmenla

Nenoki meranga aser timtem arema azüingba ajanga tanü nenok taküm nung iba sentsüwangshi korang nguogo aser tarutsü nunga nenok kaket shisatsü bushiba wadang nung maneni takok anguba ajanga tenüing tajung aika bener arutsü asoshi onoki maneni sarasademtsür.

Sd/- Changtongya Senso Telongjem Dimapur**Sd/- Dimapur Changtongyatsür Telongjem****Sd/- Changtongya Kaketshir Telongjem Dimapur**

MOLUNGYIMSEN EDUCATIONAL TRUST
FOR ACADEMIC EXCELLENCE

(Under the aegis of Molungyimsen Senso Mungdang)

TETUSHI AGÜTSÜR

Molungyimsen Senso (asür) Bendangnukshi aser Mrs.Sepichemla jala **Kr. Sentimenla B. Ao**, lai St. Mary's Hr. Sec. School, Dimapur nungi HSLC Exam, NBSE (2020-21) nung Environmental Education subject nung tematiba jenjang (Subject Topper) aser Subject 4 nung Distinction (A1) ngutetba asoshi sensosangeri khonang tetushi tulu agütsür. La taküm aser shisaluyim nung Tsüngremi maneni takok tulu moajangma.



Sd/-
N. Joseph Lemtur
President

Sd/-
Dr. O. Lima Lkr
Convener (MET)

Office of the

Mokokchung Town Longsa Kaketshir Telongjem**TENÜNGSANG AGÜTSÜR****Kr. Imtjungla**

Subject topper HSSLC 2021
(Philosophy)

**Sp. Limatongzuk Longkumer**

Top 11 HSLC 2021

Wb. Jongpongtemüs & Wt. Toshirenla Jamir, tena jabaso **Sp. Limatongzuk Longkumer**-i 2021 HSLC tatidang nung Top 11 jenjang ngutet, Wb. Toshimanen & Wt. Tiarenla, tena jala **Kr. Imtjungla**-i HSSLC tatidang nung Philosophy subject topper jenjang ngutet kaketshir nem konang nungsang tulu bener arutsüba asoshi Mokokchung Town Longsa Kaketshir Telongjem ajanga tenüingsang agütsür aser pelaba lemsateper. Iba den külemi Longsa Kaketshir shirnokisa taküm HSLC aser HSSLC tatidang nung takok ngutetogo, nenok ajak nem MTLKT-i tenüingsang agütsür.

Sd/-
Omentiba
President, MTLKT

Sd/-
Limayangla Jamir
Gen. Secretary, MTLKT

Office of the

Village Council Changki**TENÜNGSANG AGÜTSÜR**

Tawa agiba School tatidangtem nung teküboklen agüja aliba kaketshirtemi takok tajung anguba atema, Changki Village Council-i tenüingsang agütsür.

1. Miss. Imtitula Pongen,
D/o Mr & Mrs. Lanusungkum Pongen - 8th position (HSLC)
2. Mr. Emjungwabang Amri,
S/o Er & Mrs. Moasashi Amri - 5th position (HSSLC)

Kaketshirtem, shirnoki tatidang anaprongla (HSLC aser HSSLC 2021) nung takok nguogo, nenok ajak nem Council-isa tenüingsang agütsür aser tanüingba kaketshirtem dang tezü metangi ano tali meranga azüingtsü asoshi ajungshir.

Tarutsü nunga nenok kija shia kaket shisatsü bushiba wadang nung Tsüngremer temoatsü maneni lidakjang ta onoki sarasademtsür.

Sd/-
Lendimenba Amri
Chairman

Sd/-
Imodangba Pongen
Secretary

OFFICE OF THE

LIRMEN MEDEMSANGER PUTU MENDEN

B.P.O. Longchem, P.O. Mangkolemba
Dist. Mokokchung : Nagaland

TENÜNGSANG AGÜTSÜR

Nagaland Board of School Education ajanga 2021 küm agiba HSLC tatidang nung Wb.T.Limawapang Longchar & Wt.Tsükongtsüingla Jamir na jala Kongro **Moanola Longchar**-i mark 96.67% nguteteta tematiba takok angurtem rongnung takok jenjang 11 buba (Top 11) den Social Science subject nung ajak dang nungi mark teimba asütsüsa mark 100 ngutetba takok tulu asoshi Lirmen Village Council kanga nümadanga la nem tenüingsang tulu agütsür.

Ano, Noklangsangba Memorial High School, Lirmen nungi takok angur kaketshirtem den tesayur aser school nung inyakerkem ajak nem tenüingsang agütsür.

Iba denji ano, Lirmen kaketshirtem rongnungi taküm 2021 küm shirnokisa HSLC aser HSSLC tatidang nung takok nguogo, nenok ajak nem yimteni tenüingsang agütsür aser tarutsü anogotem nunga nenok mapa ajak nung Tsüngremi moajangma.

Sd/-
(B. KUMZUK LONGCHAR)
Chairman,
Lirmen Village Council.

Sd/-
(N. APOK IMCHEN)
Secretary,
Lirmen Village Council.

Social Welfare Department ajanga metetdaksür

Dimapur, Chiteni/July 22, 2021 (TYO): Director, CPS, Department of Social Welfare A.Tosheli Zhimomi-i sangdong ka ajanga, tsüinglangen agüja aliba category kübok arishi küm 18 tekübok tanur timtem nung lira, Child Protection stakeholder dang osang agütsütsüla, ta metetdaksür.

- 1) COVID-19 agi tsürabur anaprongla süadoker alirtem.
- 2) Tsürabur mabensai lia coronavirus agi kija tsürabur-a süadokba ajanga lajar akümba tanur.
- 3) Kibong nung tanur mesür/terepranger Covid-19 agi süadoker alirtem.
- 4) Covid-19 ajanga tsüraburi anepalutsü mekoki aliba tanur.

Tekalen agüja aliba timtem kar danga lira, tsürabur süadoker anogo 20 tsüingda Village/Ward, Block, Panchayat aser Colony Covid Core Committees nungi tezülua ajanga Child Protection stakeholder dang osang metetdaksütsüla. Ajiasünungang, teküboklen agüja aliba contact ajanga lendong/timtem nung alir tanurtem nem nungdakba teyari agütsütsü akok, ta kasa sangdong nung shia lir.

District balala nung stakeholders indang contact number aser E-mail address tem:

1. DIMAPUR DCPO-8837287345
CWC-7005660609
Childline-1098 DCPO-Pikamuru@gmail.com
C W C - dimapurcwc@gmail.com
2. KOHIMA DCPO-9436000344
CWC- 9436601013
Childline-1089 DCPO-Povezopuro@gmail.com
C W C - cwckohima@gmail.com
3. KIPHIRE DCPO-8730835184
CWC- 8415964215
Childline-1098
C W C - cwllg@gmail.com
4. LONGLENG DCPO-9612511613
CWC-9612893146
D C P O - Yangthrisang@gmail.com
C W C - cwllg@gmail.com
5. MOKOKCHUNG DCPO-9615712057
CWC-9889321844
Childline-1098 DCPO-Moaasen77@gmail.com
C W C - cwcmkg16@gmail.com
6. MON DCPO-9402684280

- CWC-986172 2817
Childline-1098 DCPO-samuelpuh@gmail.com
C W C - cwcmn16@gmail.com
7. PEREN DCPO-9856240195
CWC-7085177291
Childline-1098 DCPO-avi.zhimo123@gmail.com
C W C - cwperen@gmail.com
8. PHEK DCPO-8729876676
CWC-8974882755
Childline-1098 DCPO-phekdcpu@gmail.com
C W C - cwcphek@gmail.com
9. TUENSANG DCPO-9615186192
CWC-7005888409
D C P O - Khaikho.lam@gmail.com
C W C - cwctsg@gmail.com
10. WOKHA DCPO-9436009202
CWC-8794769694
D C P O - Sedawhuo@gmail.com
C W C - cwkwokha@gmail.com
11. ZUNHEBOTO DCPO-8014421208
CWC-8732000743
D C P O - Ruzorutsa@gmail.com
C W C - cwczbto@gmail.com

Olympic lapokba sentong nung nisung 950 shi adentsü



Kolkata, Chiteni/July 22, 2021: Taoba mapang football asayar Debjit Ghosh (abilen) aser Mehtab Hossain (achiji) nati Tokyo Olympics nung shilem agir asayartem indang adianu aser kinunger tem den külemi India team pur pusema tangokba noksa ka yangi angur.

Tokyo, Chiteni/July 22, 2021

(Agencies): Ketdangsür aser journalist densema Stadium nung nisung 950 shi agi Hokolbarnü (23.07.2021) Tokyo Olympics lapokba sentong reprangtsü, ta ketdangsür kati ashi.

Iba den bendenloksema, Olympics lapokba sentong nung shilem agir telok aser athlete tem aruagi adentsü, ta Brehostibarnü, Tokyo 2020 main operation centre indang Chief Hidemasa Nakamura-i osangbener dang ashi.

Tokyo 2020 Games, koba Hokolbar nungi tenzüksü renemdar, Covid-19 wara prokba nokdangtsü/azüoktsü asoshi, quarantine temzüng takang nung anidaka iba asayamung yimya balaka nung ayongzüksü.

Iba asayamung tenzüksü lia tesüiba anogo ishika nungi, athlete rongnung aser Games dak sendakba tanga nisung dak iba tesashi wara putetba osang ajanga angazükogo.

Tokyo 2020 Olympic achaayangertemi ashiba agi, Brehostibarnü Olympic Village nung alir athlete ana dak Covid-19 positive putet.

Athlete ana densema iba anogo nisung 11 dak tashidak tasen putetba osang sangoktsü. Tokyo Games metenzükdang yongi Brehostibar anogo tashi athlete, staff aser tanga nisung 86 dak iba tashidak puteter asütsü.

Tokyo Games tenzüksü anogo ka lia, achaayangertemi 'opening ceremony' indang director Kentaro Kobayashi mapa nungi anenja liasü. Kobayashi-i pa indang comedy act ka nung 'Holocaust' dak sendakba nung ajemdaker jilushi ayiba ajanga pa director mapa nungi anentsü.

* **Indian contingent nungi nübu 26 adentsü**

Tokyo Olympics koba Hokolbar aonung 8:30 (par mapang) nikongdang 4:30 IST nungi tenzüksü, iba sentong nung Indian contingent nungi

nübu ishika dang adentsü renemdar.

Asayamung lapokba sentong nung adentsü asoshi, Indian Olympic Association-i athlete tem dang pei pei tebilemba lemsateptsü asoshi asüngdangogo. Iba sentong nung France Tir, Emmanuel Macron aser US First Lady Jill Biden na aruagi adentsü imlar.

India nungi athlete 28 aser ketdangsür 6 shi iba sentong nung adentsü asoshi tenüng agüja liasü. Parnok ajak densema nisung 34 asütsü aser iba dak sendakba temelenshi lira osang agütsütsü asoshi IOA-i Brehostibar nikongdang tashi mapang atakzüksü. Taküm Olympics nung India nungi athlete 120 dak tema Tokyo-i ogo.

Covid-19 wara lendongbang nungi kümzüka alitsü asoshi, saispung talisa shooting, badminton, archery aser hockey nungi Indian athlete temi asayamung lapokba sentong nung shilem magütsü lemtet.

Hockey nungi, captain Manpreet Singh-i (flag-bearer) iba sentong nung shilem agütsü.

Athlete 20 rongnung Manika Batra aser A Sharath Kamal densema table tennis asayar 4 aser sailing team nungi züngsem aika dena lir.

Fencer CA Bhavani Devi, gymnast Pranati Naik aser swimmer Sajan Prakash dak alia, boxer 8 shi iba Games lapokba sentong nung adentsü.

Indian contingent nungi athlete den ketdangsür 6 shi adentsü renemdar. Parnok rongnung India indang Chef de Mission Birender Prasad Baishya, Deputy Chef de Mission Dr Prem Verma, Team doctor Dr Arun Basil Mathew, table tennis team, manager MP Singh, boxing coach Muhammad Ali Qamar aser gymnastics coach Lakhan Sharma nung dena lir.

Rishabh Pant Covid-19 nungi taneptsü nguogo



New Delhi, Chiteni/July 22, 2021 (Agencies): England den taruba Test series asayatsü lia, Wicketkeeper-batsman Rishabh Pant Covid-19 nungi taneptsü nguogo. Asaya pungo Test series ya Nottingham nung August 04, 2021 nungi tenzüksü.

Pant, shiba dak July 8 nü Covid-19 positive putet, iba tashidak nungi taneptsü anguba sülen, Durham kübok Team India indang bio-bubble nung pa denogo.

BCCI-i Twitter sabang ajanga, Rishabh bio-bubble nung adenba osang sangoktsü.

UK Sorkar temzüng/tetuyuba agi melaba ama, Rishabh Pant anogo 10 tashi quarantine süogo. Southampton nung New Zealand team den World Test Championship final asayar sülen, India team pur anogo 20 tashi anisüngzüka amungba mapang, Rishabh dak Covid-19 positive putet.

Tawa, Pant-i Euro 2020 asaya repranga liasü aser asaya mapang stadium nung tangokba noksatem pai Twitter sabang nung lemsatep.

July 14 nü RT-PCR test agiba sülen, Pant dak Covid-19 positive putetba mapang, BCCI Medical Team-i, Dayanand Garani (throwdown specialist cum masseur), shiba team hotel nung külemi munga liasü, pa den Bharat Arun, bowling coach, Wriddhiman Saha aser Abhimanyu Easwaran nungeri ajurutep ta jangjatet.

Par pezüprongla, pei pei takdang nung anogo 10 atema quarantine tesüdak lir.

Tan ita tetenzüklen, London nung, asayartem den külemi arur adianu züngsem aser anepalur tem densema Indian contingent ajunga nem Covid-19 vaccine dose tanabuba agütsüogo.

Covid-19 wara menaba lendongbang azüoktsü asoshi, anogoshia India team nung adener ajak 'Lateral Flow Test' agidar.

August 4 nungi tenzüka, India team-i England den match pungo Test series asaya tenzüksü. Iba series atema renemshiba shilem ka ama, Chester-le-Street nung India Test team puri County XI den anogo asem asayadar.

Tokyo Olympics: Sumit Nagal-i Denis Istomin den asayatsü



Sumit Nagal



Denis Istomin

Tokyo, Chiteni/July 22, 2021 (Agencies): Hokolbarnü, Tokyo Olympics tenzüka, tennis asayamung tebur kija mezüng round nung, India nung Sumit Nagal-i Uzbekistan nung Denis Istomin den tokteptsü terenemba lir.

Nagal, shibai taoba hopta iba Games nung shilem agütsü atema temsüa aküm, Brehostibarnü iba draw nung Denis den pa asayatsü lemezükja liasü.

World no. 160 aser arishi küm 23 tain Nagal-i mezüng round takok ngura, pai seed

tanabuba Russia nung Daniil Medvedev den asayatsü maongka angütsü akok. Kasa asayamung tebur kija mezüng round nung Daniil-i Alexander Bublik den asayatsü terenemba lir.

Tetsür tarep mezüng round nung, trokben Grand Slam takok angur Sania Mirza aser Ankita Raina nati Ukraine tsür Nadiia aser Lyudmyla na den asayatsü.

Sania Mirza tanur sor sülen, lai Nadiia den longjemer taoba küm Hobart Open asayamung takok nguogo.



Tokyo, Chiteni/July 22, 2021: 2020 Summer Olympics tenzüksü anogo ka lia, Brehostibarnü Asaka Shooting Range nung India nung Divyansh Singh Panwar-i khashishiba yangi noksa nung angur.

BILEMDANGANG

"Tali meshira peii bendenba temoatsü aser rongsen magitettsü."